

太上洞玄靈寶真文要解上經

高 玄 大 法 師 受

太上靈寶治玄都玉京山七寶玄臺十方至真自然妙行真人
飛仙大聖眾皆浮空燒香散華旋行一日三周手把十絕華幡
口誦洞章日月交迴七星運關三百三十日則天關迴山一度
三百三十度則九天氣交三千三百度天地氣交天地氣交爲
小劫交九千九百度則大劫周此時則天淪地沒九海溟一金
玉化消毫末無遺天地所以長存不傾者元始命五老上真以
靈寶真文封於五嶽之洞以安神鎮靈制命河源致洪泉不涌
大災不行此自然之文故曰靈寶九天上書非鬼神所知世有
道藏輯要

真文要解上經

三

房集六

其文則保國寧家萬災不衝學得其法至大劫之周時晏鴻翮
而高翔躡飛霄而浮空也舊科四萬劫一出皆授宿有金名刻
簡來生應爲真人者

太上元始靈寶五篇真文舊藏太上玄臺七寶上宮天書宛奧
不可尋詳文彩煥曜洞映上清五老侍衛上帝朝真玉女執巾
金童揚煙爇百和合香流薰紫庭吐日精以卻穢散月華以拂
塵神燈朗照炳燭合明金風八發慶雲四陳鸞鳳悲鳴嘯歌
邕飛龍毒獸備衛玉闕萬帝稽首旋行上宮飛空步虛嘯詠洞
章讚九天之靈奧欣三天之寶明寔玄文之妙重功德巍巍乎
太空故元始記篇有一十二德以崇寶於天真標靈文之難窮

一者其德如虛無澄真洞寂澹泊自然幽幽冥冥爲天地之根
二者其德如大道恢廓無爲爲神明之宗一切萬物普受其成
功三者其德如天澄虛廣覆高浮上清一切萬物普受生成四
者其德如地開張養生含容無細一切萬物受其厚載五者其
德如日月光明洞映無幽不徹一切萬物受其柔惠六者其德
如眾星照耀諸天朗達幽冥一切萬物普受光明七者其德如
雲雨和天潤地流澤廣施一切萬物普蒙惠灑八者其德如四
時轉輪陰陽節氣和平一切萬物普受含生九者其德如太山
包容障遏威靈恢恢五帝安鎮神仙所居十者其德如大江柔
弱蕩蕩惠流百方不簡穢賤无細不容十一者其德如真教導

道藏輯要

真文要解上經

美

房集六

三乘綿綿長存開張法門普濟萬民十二者其德如神人救死
護生使寒灰起煙演明玄教普度天民靈文妙重出於自然故
標其至德以貴其真夫靈寶五文皆天地之根化生五老上總
五星下鎮五嶽運導五行通人五臟安氣養神保國甯家使帝
主興隆萬災不加洪波不衝靈文既見保天長存元始之旨其
微其深今故相告祕而勿宣勤加修誦道自感焉

太上大道君曰夫爲道結緣世世不絕致善福來生當行十二
上願普度一切致國太平家門興隆子孫昌熾世出賢明七祖
生天轉輪福堂此功高重勤而修行一者當願大道澹泊虛無
安閑空寂澄清自居廣開法門教導頑夫皆蒙惠解精苦是修

預以同學普得昇虛與天相保長存无憂一切眾生咸同靈謐
二者當願諸天結氣澄清高虛廣覆保真固靈氣候調節四運
和平國安民豐普天閑甯廣濟一切惠逮有生保劫長存億億
不傾三者當願地土廣載無窮安平不陷海淪不崩保鎮甯國
兆民興隆養生安死惠周十方禾稼種植滋生日豐含德厚載
萬願咸從四者當願日月二景高明無有勃蝕虧縮安清光照
諸天洞消闇冥保固劫運世祚和平普加惠潤澤灑眾生五者
當願星辰與日月齊光轉燭照曜映朗十方各安其位經緯直
行保鎮安國无有災殃四海甯一普天興隆六者當願四時隨
節推遷景氣和調无有災患疫毒消滅普天平安五穀豐熟國
道藏輯要

真文要解上經

三

房集六

富民懽七者當願浮雲結氣聚煙飛空高澄廕覆玄玄隱則無
爲散則彌天神仙同車結交眾真惠流一切興國愛民普濟羣
生人同劫年八者當願風雨流灑无窮普加施泄受其發揚萬
物滋生國儲民豐九者當願五嶽各安其方巍巍包藏長爲仙
宮安鎮國祚保天无終護度一切莫不仰宗十者當願江海蕩
蕩无極含容恢廓无細不殖淵奧柔惠潤加動息天人獲慶年
同劫石十一者當願帝主國土日昌四鎮安穆兵革不揚天民
歌唱吉應來祥敷教濟濟威化洋洋兆庶稱慶長樂未央十二
者當願蠢飛蜎動已生未生成蒙完全普得生成皆充元氣受
陽之形草木果林使經冬不零一切濟度靡不鮮榮此十二大

願舊出元始五篇智慧經中靈寶大慈之道施惠種福爲人結
因其功廣大其報難稱斯福之上業功感諸天有見此法立應
自然勤心修行生死獲仙

太上大道君曰吾昔受之於元始天王使授仙公仙王仙卿上
清真人不傳中仙自无玄圖帝簡玉名上清不得見聞脫有漏
慢之中見亦不勤九天禁書四萬劫一傳

夫修學之士不行此法功德不建思无感徹真靈不降與善緣
其絕福路既乖仙何有日至學之士常當齋戒行香朝禮事竟
仍東向行願心口相應无有異念將足以招玄真於虛無坐求
靈福於自然拔七祖於幽牢昇窮魂於南宮保國家於厄運禳
道藏輯要 眞文要解上經 卑 房集六
天災於康年此福巍巍難可具宣於是說靈寶自然五篇衛靈
神咒

東方

九氣青天

明星大神

煥照東鄉

洞映九門

轉燭揚光

掃穢除氛

開明童子

備衛我軒

收魔束祆

上對帝君

奉承正道

赤書玉文

九天符命

攝龍驛傳

普天安鎮

我得飛仙

南方

南方丹天

三氣流光

熒星轉燭

洞照太陽

上有赤精

開明靈童

總御火兵

備守三宮

斬邪束祿

剪截魔兇

北帝所承

風火八衝

流鈴交煥

敢有不從

正道流行

我享上功

保天長存

億劫无終

西方

七氣之天

太白流精

光曜金門

洞朗太冥

中有素皇

號曰帝靈

保神安鎮

衛我身形

斷截邪源

玉道正明

宮殿整肅

三景齊并

道合自然

飛昇紫庭

靈寶符命

普惠萬生

功加一切

天地咸甯

北方

道藏輯要

真文要解上經

聖 房集六

北方玄天

五氣徘徊

辰星煥爛

光曜太微

黑靈尊神

飛玄羽衣

備衛五門

檢精捕非

敢有干試

豁落斬摧

玉符所告

神真八威

邪門閉塞

正道明開

映照我身

三光同輝

策空駕浮

舉形仙飛

中央

黃中理氣

總統玄真

鎮星吐輝

流煥九天

開光童子

一十二人

元氣陽精

爛上朱煙

洞照天下

及臣等身

百邪摧落

殺鬼萬千

中山神咒

普天使然

五靈安鎮

身飛上仙

太上大道君曰此自然五篇衛靈神咒舊出靈寶五文上篇制
魔召靈役使羣神安鎮五嶽保天長存明理三光致國太平兆
民享福濟度羣生吾昔受之於元始天王使依玄科四萬劫一
傳子位登高仙總統三界匡御羣靈今以相告子擇其人必合
玄圖依科以傳凡欲修道求仙致真安國甯家截諸不祥當奉
行自然衛靈神咒常以本命太歲甲子庚申及修齋之日常東
向誦之一徧則神明氣正宮宅肅清邪魔摧滅五老降真萬試
賓伏妖災喪亡長齋修誦剋成真入

道藏輯要

真文要解上經

聖

房集六
XIX

寶自然五篇八齋悔罪懺謝十方上解宿世重過拔度惡緣下
解已身積行以來所犯罪愆勤行齋直廣建福田救度一切恤
死護生功成德普乃合道心惡對自滅善緣來生家門端整所
願咸從神真玄降坐致飛仙此治行之本求道之源學無此法
徒勞心神宿根不解望道泯泯至老無獲不免諸患大道廣慈
哀之在心今故相告子勤修行吾昔受之於元始天王使我祕
之於靈都上館四萬劫一出子今當依先師舊科若有至學之
人名書金簡行合神仙子當傳之焉

道言齋日燒香東向祝曰

臣

今故燒香歸身歸神歸命

東方無極太上靈寶天尊

臣

今仰謝東方九氣清天太清玄元

上三天無極大道太上老君太上丈人天帝君天帝丈人太帝
帝君上皇老人三十九真七十二聖高玄真君九老仙都君九
氣丈人始生青真東華玉寶高晨大司馬上相青童君元老九
玄主仙真人無鞅數量百千萬重道氣千二百官君太清玉陛
下青帝九氣玉門神仙四司真人諸天至極上聖大神東鄉无
極世界神仙正真乞丐原臣宿世以來七祖父母下及臣身積
行所犯殺害賢良元逆醜惡非人所行淫色盜竊敗人成功離
人骨肉奪人所崇爲子不孝爲臣不忠反上逆主攻伐師宗上
不敬天地下不畏鬼神訾毀大道泄露靈文口是心非勝己嫉
能輕慢四大污穢三光惡口兩舌讒擊善人誹謗此罪歷世纏
道藏輯要

真文要解上經

三

房集六
x 8 8

綿結固不解積成丘山乞今燒香行道懺謝玄真宿縛解散七
祖同懽去離五道拔度八難窮魂解脫上昇福聖舉家无災天
下受恩國土太平四海興隆帝王懽悅國富民豐惠加眾生咸
蒙道恩今束身歸命靈寶天尊賜臣得如所願位登上仙昇入
无形與道合同

畢九叩頭九搏頰次南向燒香祝曰臣今故燒香歸身歸神
歸命

南方无極太上靈寶天尊臣今仰謝南方三氣丹天太清南極
皇上老君洞靈玉帝上元禁君三元丈人始老玄真萬福君萬
福丈人南昌上宮注生司馬太極真人太和老子玄和丈人赤

帝丹靈高仙萬真諸天至極上聖大神南鄉無極世界神仙正
真乞丐原臣宿世以來七祖父母下及臣身餘如上法

畢九叩頭搏頰次西向燒香祝曰臣今故燒香歸身歸神歸
命

西方无極太上靈寶天尊臣今仰謝西方七氣素天太清西華
高上皇帝太靈元始老君萬始先生太素三元君金闕七寶後
聖帝君主仙丈人太和玉女西靈金母白帝高仙四極真人諸
天至極上聖大神西鄉无極世界神仙正真乞丐原臣宿世以
來七祖父母下及臣身餘如上法

畢九叩頭搏頰次北方燒香祝曰臣今故燒香歸身歸神歸
道藏輯要
真文要解上經
醫
房集六
川文

命

北方无極太上靈寶天尊臣今仰謝北向五氣玄天太清太上
高皇玉帝虛皇道君太上老君太上丈人太上帝大道玉晨君北
極真公文始先生黑帝皇老高玄真人自然童子北辰九真斗
中大神五靈夫人太華九辰高上萬重諸天至極上聖眾神北
鄉无極世界神仙正真乞丐原臣宿世以來七祖父母下及臣
身餘悉如上法

畢九叩頭搏頰次東北向燒香祝曰臣今故燒香歸身歸神
歸命

東北无極太上靈寶天尊臣今仰謝東北始蒼天太清無極虛

無自然大道至真上聖靈寶始青老君九天真王東明虛皇帝
君九靈先生玉華真帝高皇上真真人諸天至極上聖眾神東
北方無極世界神仙正真乞丐原臣宿世以來七祖父母下及
臣身餘悉如上法

畢九叩頭搏頰次東南向燒香祝曰臣今故燒香歸身歸神
歸命

東南无極太上靈寶天尊臣今仰謝東南始丹天太清洞極虛
無自然至玄道君上聖靈寶始赤陽元老君南極老子太和先
生三靈玄上萬福皇老丈人丹靈高皇帝君太陽真人好生度
命司馬玄真三元君紫晨大道君南明洞靈虛道君朱宮赤精
道藏輯要

真文要解上經

聖

房集六
XZ X

南昌司命四極真人諸天至極上聖眾神東南无極世界神仙
正真乞丐原臣宿世以來七祖父母下及臣身餘悉如上法

畢九叩頭搏頰次西南向燒香祝曰臣今故燒香歸身歸神
歸命

西南无極太上靈寶天尊臣今仰謝西南始素天太清玄極虛
無自然浩冥皇上元靈道君金華至真靈寶始素老君三天玉
童紫陽真公斗中四真元陽帝君紫精先生萬福萬氣萬度萬
生君西明太靈虛皇道君金門素靈七真玉華君諸天至極上
聖眾神西南无極世界神仙正真乞丐原臣宿世以來七祖父
母下及臣身餘悉如上法

畢九叩頭搏頰次西北向燒香祝曰臣今故燒香歸身歸神歸命

西北无極太上靈寶天尊臣今仰謝西北始玄天高上元皇道君九天元靈洞寶太上真老君無量太華靈寶始玄老君皇上丈人北玄九真華晨君天門度世飛天羽郎玉仙監總靈司馬上古三師大聖眾至真諸君丈人諸天至極上聖眾神西北无極世界神仙正真乞丐原臣宿世以來七祖父母下及臣身餘悉如上法

畢九叩頭搏頰次向上方燒香祝曰臣今故燒香歸身歸神歸命

道藏輯要

真文要解上經

巽

房集六

上方无極太上靈寶天尊臣今仰謝上方太上无極无形无名无頂无極至真太上大道高皇大帝九天元父元始天王元始丈人至極靈寶洞玄太上元靈老君无極大聖眾至真諸君丈人諸天至極上聖眾神上方无極世界神仙正真乞丐原臣宿世以來七祖父母下及臣身餘悉如上法

畢九叩頭搏頰次向下方燒香祝曰臣今故燒香歸身歸神歸命

下方无極太上靈寶天尊臣今仰謝下方玄黃天无上无極无色无鞅无量數太上大道九千九百九十九萬億重道天老九天玄母太黃元君九天真王无上虛皇玄和老人太極真人黃

老皇帝黃老丈人元黃中帝五老上仙諸天至極上聖眾神下方无極世界五嶽四瀆神仙正真乞丐原臣宿世以來七祖父母下及臣身餘悉如上法

畢九叩頭搏頰

行此十方懺謝畢便依威儀舊典此學道之本上可以解七祖之宿對下可以除身行醜惡之罪眾愆既散神明自祐神明既降天民歸心功德廣載福廕无窮普濟一切護度羣生斯法妙重難可具稱

道言夫欲修善建功廣種福田當爲天民修齋謝罪放生然燈拔度宿緣解脫世羅天民蒙恩也

道藏輯要

眞文要解上經

畢

房集六
川又三

靈寶眞文既竟方諸宮中東華上房青童君歌和魂致神之曲有得誦之天靈降衛萬祇喪迹神聰意朗存念易感有經之子寶而祕之勿妄傳焉
東華上房靈妃歌曰

紫桂植瑤圃

朱華聲棲棲

月宮生藥淵

日中有瓊池

左拔圓靈曜

右掣丹霞暉

流金煥絳庭

八景絕煙廻

綵蓋浮明空

羽節命太微

鳳金童華顏

琳腴充長飢

控晨挹太素

乘歛翔玉階

吐納六靈胎

玉嬪抱巾隨

彈徵南雲扇

香風鼓錦披

叩商百獸舞

六天攝神威

倏忽億萬春

齡絕鬱巍巍

小鮮未烹鼎

言我巖下悲

青童大君與太虛真人西城太真小有真王集於瑤臺瞻眄
十方垂悼萬生眈慕世塗不知玉晨之會發歎興吟各賦詠
一篇每至齋日讀之以招四真之祐焉

青童大君吟詠曰

欲殖滅度根

當拔生死栽

沈吟墮九泉

但坐惜形骸

太虛真人吟詠曰

觀神載形時

亦如車從馬

車敗馬奔亡

道藏輯要

眞文要解上經

巽

房集六
川文刊

牽連一時假

哀世莫識此

但是借風火

種罪天網上

受毒地獄下

西城真人王君吟詠曰

神爲渡形舟

泊岸當別去

形非神常宅

神非形常載

徘徊生死輪

但苦心猶豫

小有真人王君吟詠曰

失道從死津

三魂迷生道

生生日已遠

死死日已早

悲哉苦痛容

根華已顛倒

起就零落坐

焉知返枯老

東海青童君常以丁日登方諸東華臺四望十方予以此日

常可向日再拜日行出之適子所願因此服日精爲佳也
上清大道玉晨君常以正月四日二月八日三月十五日四
月八日五月九日六月六日七月七日八月八日九月九日
十月五日十一月三日十二月十二日以此日登玉霄琳房
四盼天下十方有志節遠周旋棲尙耽仰清真修虔注之心
者兆始修學未能憑想絕巔欲自陶練宿愆每造其日清齋
平旦之時北向再拜祈請極陳子也兼以禮訓階隆福之漸
拜禮願畢服玉池三十六過微乎深哉勤勗之焉

道藏輯要

眞文要解上經

咒

房集六
文八